

Projektne aktivnosti 4.c u drugom polugodištu u okviru eTwinning projekta „Čakavica u srcu 2“

Učenici 4.c razreda jedva su dočekali nove čakavske projektne aktivnosti u drugom polugodištu. Uživali su u čitanju i recitiranju pjesama na čakavici, igranju starih zaboravljenih igara i plesanju starih plesova. Družili su se s prijateljima i njihovim učiteljicama iz drugih škola putem videokonferencija. Imali su čast upoznati čakavskog pjesnika N. Dumanića, slušati njegove pjesme i pitati ga o pjesničkom stvaralaštvu. Sudjelovali su na više literarnih, likovnih i recitatorskih natječaja u kojima su postizali zapažene rezultate.

Obogaćeni brojnim projektnim aktivnostima trajno će nositi Čakavicu u srcu.


SIČANJ - STARE ZABORAVJENE IGRE

Lipo li je odit u skulu poslin zimskega odmora, vidit svoje prijateje i poigrat se š njima. A ča smo igrali.. igre ča su se zamalo zaudobile, a igrali su ih naši roditelji... skakali na laštik, vozili karet.... ajme ča smo guštali, atroke igrat na franje.



VEJAČA - SUSRET S PISCEN MATKOM MARUŠIĆEM

Radost nan je sviman učini pisac libra Snig u Splitu Matko Marušić ča nan je napokon doša u našu skulu jerbo prin nije stiga, jema je puno skula za obiće. Špjega nan je puno tega o njegovon ditinjstvu i štorijama ča ih je nota u svome libru.




ČA U VERSIN, RIČI I PINELU

Uvik nan je nikako teplo oko sarca ka moremo, sve ča činimo bilo da notamo oli piturajemo, poslat na niki natječaj. Ovega puta to smo činili za natječaj "ČA u versin, riči i pinelu" skule Bijaći u Kaštilima. S nestrpenjem smo čekali ča će judi o' struke odlučit i zaželili sriću sviman ča su poslali svoje radove!

DAN SIGURNIJEG INTERNETA

Potriba je stalno špjegat dici da zapamete ča smidu oli ča ne smidu stavjat na internet. Poradi tega, štili smo pismicu ča je notala naša meštrovica Sandra i zaigrali kviz da zapametimo pravila za vike vikova.



MAŠKARE - maškarali smo se, pivali, balali i odigrali kviz da ne zaudobimo stare užance.



OŽUJAK - IŠLI SMO U ŠKOLICU - dječji tradicijski ples <https://youtu.be/uWJZ8wbUtlc>

ČA-MORE-JUDI 25 - poslali smo nekoliko pismica na natječaj ČA-more-judi u OŠ Grohote na škoju Šolti. S nestrpenjem smo čekali rezultate.

VIDEOKONFERENCJUN S PISNIKON NAĐANOM DUMANIĆEM

Čakavski pisnik i profešur Nađan Dumanić uvik se rado odazove na sudjelovanje u našin videokonferencjunima. I ovega puta nan je rado odgovara na pitanja znatižejne dice i špjegava svoje pisme. Uvuk nas razveseli svojin pismama na čakavici i da nan poticaj za notanje naši pismica. Sritni i veseli učenic i meštrovice zafalili su pisniku na suradnji.



TRAVANJ - USKRSNA ČESTITKA - načinili smo digitalnu čestitku našin projektnin partnerima za najveći kršćanski blagdan Uskrs.



DAN O' PLANETA ZEMJE - notali smo pismice o Zemji jerbo tribamo čuvat naš dom.

ROKOV LITERARNI RAD UVRŠTEN MEĐU 10 NAJBOLJI NA NATJEČAJU ČA-MORE-JUDI 25

ROKO I MEŠTROVICA JAGODA NA ŠOLTI

Posni smo na našeg Roka čija je pjesma "Čale" uvrštena među 10 najboji pisama u kategoriji od 1. do 8. razreda. Izlet na Šoltu i druženje s dicom iz drugi skula, Roko će pamtit cili život.



NERIN LIKOVNI RAD DOBIO 1. NAGRADU NA NATJEČAJU ČA U VERSIN, RIČI I PINELU

Svi učenici koji su sudjelovali na Međunarodnom VIII. natječaju "Ča u versin, riči i pinelu" dobili su zahvalnice i zbornik radova. Posebno smo ponosni na našu Neru koja je dobila 1. nagradu za svoj likovni rad od stručnog žirija u kategoriji od 1. do 4. razreda.



SVIBANJ - SVETI DUJE - ZAŠTITNIK GRADA SPLITA

Načinili smo puno lipi kolurani likovni radova zaraj našeg Svetega Duje - zaštitnika najlipjeg grada na svitu, našeg Splita. Biralimo najboje radove za poslat na natječaj Slobodne Dalmacije "Moj Split". Likovni radovi Luce, Nere i Karla izašli su u virtualnoj slikovnici za Svetega Duju.



MAJČIN DAN - crtali smo naše drage mame jerbo i' puno volimo...

DAN SKULE TRSTENIK - naš Roko je špjega svoju pismu "Čale" za Dan skule.



Zadnji dan skule predstavili smo naš projekt i odigrali završni kviz "Čakavica u srcu 2". Guštali smo špjegat odgovore jerbo smo puno tega zapametili o našoj lipoj čakavaci. Projektu smo dali smješka jerbo nan je bilo drago radit na njemu. Nek se naš ČA nikad ne zaudobi!!!



Guštali smo cilu godin u ovon lipon projektu o' čakavice. Sritni gremo na zasluženi odmor.

Pripremila: Jagoda Čopac, učiteljica izvrsna savjetnica